



兩儀生四象



四象生八卦



道藏輯要

易說圖解

七

壁集一

自太極相涵陰陽摩盪左陽右陰兩儀判矣一元含化兩兩相  
 摩陰陽老少四象見矣四象相摩循流環轉分方定位八卦成  
 矣此皆從天地氤氳之氣自相摩盪而成非強為布置於其間  
 也或謂乾坤定位於上下坎離分衡於左右艮山峙形於西北  
 兌澤通氣於東南以明天高地卑日東月西山起有原水歸有  
 委春近必雷秋近必風之理雖然此亦是先天卦位已定其氣  
 機豈因變化相合而後定先天之卦位哉天地之初未有此形  
 先有此氣未蘊此氣先藏此理理不可見是為無極及其無中  
 生有體象渾淪其氣氤氳將以化醕是為太極太極摩盪而生  
 兩儀左為陽右為陰也兩儀摩盪而生四象則有太陰太陽少

陽少陰之別四象摩盪而生八卦自然乾南坤北離東坎西兌居東南艮居西北巽居西南震居東北矣聖人亦何嘗別其義以強合哉不過就太極相涵之數與太極初分之理推移以定斯位故天上地下日東月西山起有源水歸有委春近必雷秋近必風之數自具於中豈強爲布置於其間也耶自震而離而兌而乾陽之復也故爲順自巽而坎而艮而坤陰之漸也故爲逆陽生於子中而極於午中陰生於午中而伏於子中其陽自東而南其陰自西而北故乾盡午中坤盡子中坎盡酉中離盡卯中乃陰陽對待之理卽陰陽起伏之機也觀日以亥子觀月以晦朔歲以冬至爲始令以四季爲序此正陰陽相交動靜相

道藏輯要

易說

六

壁集一

生之妙也故知太極無所不包則知兩儀四象八卦之變化無不涵蘊於其中也此卽氣化自然之理矣